



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მესხი თამაზ ბენიამინის ძე

მესხი თამაზ ბენიამინის ძე (25. VIII. 1933, მესტია, – 1999, თბილისი), თეატრის რეჟისორი. საქართველო ხელოვნების დამს. მოღვაწე (1976), საქართველო სახ. არტისტი (1990). 1957 დაამთავრა თეატრ. ინ-ტის სარეჟ. ფაკ-ტი. მუშაობდა ქუთაისის (1957--68 – რეჟისორი, 1969–70 – მთ. რეჟისორი, 1971–79, 1991 – დირექტორი და სამხატვრო ხელმძღვ.), მოსკოვის ვ. მაიაკოვსკის სახ. (1970 – რეჟისორ-სტაჟიორი), რუსთავის (1973 – რეჟისორი, 1986–89 – დირექტორი და მთ. რეჟისორი) და თბილ. ბავშვთა ცენტრ. (1989 – მთ. რეჟისორი) თეატრებში. დადგმული სპექტაკლებიდან აღსანიშნავია: ქუთაისის თეატრში – ბ. ნუშიჩის „ფილოსოფიის დოქტორი“, ფ. დიუმანუას და ა. დენერის „დონ სეზან დე ბაზანი“, ფ. გარსია ლორკას „სისხლიანი ქორწილი“, გ. ნახუცრიშვილის „შაითან ხიხო“, სოფოკლეს „ანტიგონე“, ვ. დარასელის „კიკვიძე“, მ. ჯაფარიძის „ჟამთაბერის ასული“, ნ. დუმბაძის „საბრალოდებო დასკვნა“ და სხვ; რუსთავის თეატრში – რ. როლანის „მგლები“, ლ. სანიკიძის „შემომეყარა ყივჩაღი“, გ. ბათიაშვილის „ვალი“, ე. დე ფილიპოს „ცილინდრი“, დ. კლდიაშვილის „სოლომან მორბელაძე“ (კ. მარჯანიშვილის სახ. პრემია, 1983) და სხვ; მარჯანიშვილის თეატრში: ი. ვაკელის „აპრაკუნე ჭიმჭიმელი“, სოფოკლეს „ოიდიპოს მეფე“; ახმეტელის თეატრში – ე. დე ფილიპოს „აჩრდილები“. მ. წლების განმავლობაში ეწეოდა პედ. მოღვაწეობას, იყო თეატრ. ინ-ტის პროფესორი, საქართველო რადიო - და ტელეგადაცემათა რეჟისორი. მისი შემოქმედება გამოირჩეოდა თანამედროვე პრობლემეტიკის მიმართ ინტერესით.

---